



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Catechismvs, Dat is, De Christelijcke leeringhe/ in
maniere van t'samen-sprekinghe tusschen den Meester
ende den Discipel**

Coster, Franciscus

T'Antvverpen, 1607

Vande sonden der ghepeysen.

urn:nbn:de:hbz:466:1-39385

M. Waer mede doet de mensch sonde?

D. Met ghepeysen/woorden/ ende wercken.

M. Zijn de quade ghepeysen al-tijdt sonde?

D. Neen-ly: want als wy die hebben teghen onsen danck/ ende ons beste doen om die te wederstaen/ en sondighen wy hier deur niet/ maer wy verdienen eer.

M. Wanneer zijn dan de ghepeysen sonde?

D. Ten eersten/ als ons die behaghen/ ende als wy om die te vol-bzengen consent gheuen. 2. Als men willens ende wetens daer op blijft peysen/ om ghenoghte daer uyt te nemen: al ist/ dat men die metter daedt niet en wilt vol-bzenghen. Ende dese ghepeysen zijn dood-sonden/ als sy van eenighe saken zijn die op dood-sonde verboden is.

M. Wanneer is quaedt ghepeys noch sonde?

D. Als men die ghevoelende ende bemerkende/ onachtsaem is te weder-staen: ende dan is de sonde groot/ nae dat d' onachtsaemheyt groot is.

M. Hoe vele sorten van werckelijcke sonden zijnder?

D. Twee: te weten/ Dagheelijckche sonde/ ende Dood-sonde.

M. Wat is Dood-sonde?

D. Al wat gheschiedt teghen de liefde Gods/ ende onsen naesten.

M. Wat doet de Dood-sonde?

D. Sy berooft den mensche van de gratie Gods/ ende maecht hem Gods vbandt. 2. Sy maecht de deughdelijcke wercken onprofytelijck tot het eeuwich leuen. 3. Sy sluyt den hemel. 4. Sy opent de helle. Ende daer-om wordt sy doodelijck gheheeten/ om dat sy de siele doodet/ benemende haer het leuen der gratien.

M. VVat